

—

Բազուի «Kacniš» օրաթերթի խմբագրութիւնը էջմիածին ուղարկել է հետևեալ հեռագիրը.

«Kacniš»-ի խմբագրութիւնը, հայ տառերի և տպագրութեան յօրելիանների օրը, որդիոյն ու շնորհաւորանք է առաքում էջմիածնին և յանձին նրա՝ հայ ժողովրդին, որ տօնում է իր դարաւոր կուլտուրական աշխատանքի տօնը հարևան-ժողովուրդների ընդհանուր ընտանիքի մէջ, յանուն հասերաշխութեան ու ապագայ սերունդների բարեկեցութեան»:

—

Թիֆլիսի մէջջանների հասարակութեան աւագ Բարսեղ Առաքելեանը ուղարկել է հետևեալ հեռագիրը էջմիածնին յանուն Վեհափառ կաթողիկոս Գէորգ Ն-ի.

«Թիֆլիսի մօքալաքների և մէջջանների բազմատարր ու բազմահազար հասարակութիւնը հանուր Հայկազեան ժողովրդի ազգային տօնի այս ամենանշանաւոր օրը ամենահնազանդօրէն շնորհաւորելով Ձերդ Սրբութեան և նախաթոռ էջմիածնին մեծ յօրելեանը՝ որդիական բարեմաղթութիւններ է առաքում, որպէսզի կրկին բարգաւաճվի հայ դպրութիւնը Ձեր Վեհափառութեան բարձր հովանու տակ. խնդրում է Ամենակարող Աստուծուն իմաստացնէ Ձեր հօտը՝ առաջվայ նման պաշտելու մայրենի լուսաւորչական եկեղեցին, մայրենի լեզուն, հաստատ գիտակցելով որ առանց այդ Ֆակտօրների չի կարող ազգը դոյութիւն ունենալ թոյլ տուէք ինձ ևս, Վեհափառ, իմ բուն բարեմաղթութիւնները անել և բոլոր հայերի հետ միասին բացազանչել. «Հայոց գիր, բան, դպրութիւն, ծլի՛ր, ծաղկի՛ր օրն ի բուն»...»

—

Նորին Վեհափառութիւնը բարեհաճել է Թիֆլիսի քաղաքագլուխ Ա. Խատիսեանի անունով ուղարկել այսպիսի հեռագիր.

«Շնորհակալ եմ շնորհաւորելու ու բարեմաղթութիւնների համար Օրհնում եմ ձեզ, քաղաքային դումայի բոլոր անդամներին»:

—

«ՅԱՅ.»-ն երէկվայ համարում մի լուր է տուել, թէ Թիֆլիսում յօրելիանական հանդէսների ամբողջ ցերեմօնիալի վրա հրակում էր Գիւտ աւ. քահ. Աղանեան. կարծէք դրանով լրագիրը կամենում է յիշեալ հանդէսների ժամանակ տիրող անկարգութիւնների ամբողջ պատասխանատուութիւնը ձգել այդ քահանայի վրա: Գա հազիւ թէ ճիշդ լինի: